

Byaij Youq Gwnz Loh Iq Lajmbanj

走在乡村的小路上

Byaij youq gwnz loh iq lajmbanj, mwngz ndaej yawjraen haujlai gingjsaek gyaundeidei.

Byaij youq gwnz loh iq lajmbanj, mwngz ndaej yawjraen baenz benq baenz benq byaekyouzcai. Youq laj ndit, va'byaekyouzcai henjrwgrwg. Reih byaekyouzcai fatok baenz raq baenz raq va hom, yinx daeuj haujlai duz rwi caeuq duz mbaj. Duz rwi gongzngw'ngw mbin bae mbin dauq, cingq nyaengq au faenjva ne! Doengh nazmeg heuyauyau yawj mbouj raen henz, giz mbouj gya geij laeq lwgnyez byoq sauqmeg, singsauq mwngz dingz gou yiengj, geijlai angq ha, youq ndaw rumz iq ci go meg fubfeb hwnjroengz haenx, cienz bae gig gya geig gya.....

Byaij youq gwnz loh iq lajmbanj, mwngz ndaej roxnyinh daengz liengzsis, aenvih gizde miz faexcuk heusau soengz hwnj gwnzmbwn. Baenz go baenz go cuk sohsaeng haenx, lumj bouxcansw heusau, hwnzgoenz henzouj aen mbanj. Gwnz dieg miz haujlai rangz oiqt, ndonj aen gyauej okdaeuj, yawjyawj gizneix, ngonznongz gizhaenx, lumj dwg baenzlawz hix yawj mbouj gaeuq. Youq gizneix, saek seiz lij ndaej yawjraen duz gaeqmeh daiq gyoengq gaeqlwg ndeu, youq ndaw ndoengcuk ra gwn. Roxnaez yawjraen duz gaeqboux ndeu ngienggyaeuj enjaek , rengzrdwrd byaij bae byaij dauq, lumj angj gij gyaundeidei de nei.

Byaij youq gwnz loh iq lajmbanj, mwngz ndaej dingqny sing raemx laecoco, haenx dwg daj diuz dah iq mbouj laeg hix mbouj feuh haenx



cienz okdaeuj. Henz hamq, miz geij duz gvi gikgyan'gyan dak ndit; ndaw dah raemx sawndik yawjraen daej haenx, miz geij duz bya guh'angq; hamq dah doiqnaj, miz duz mahenj ndeu menhmenh gwn raemx, lij seiz mbouj seiz riz bak de, lumjdwg naeuz: "Gij raemx neix caen van ha!"

Byaij youq gwnz loh iq lajmbanj, mwngz ndaej mup daengz feihmak homfwdfwd. Haenx dwg daj suenmak seizcou cienz okdaeuj. Yawj, makbingzgoj naj nding'yanyan, lumj dahsau launyaengq nei ndoj youq geh mbaw heu; makit gyaemq, makit heu mwngz caenx gou, gou caenx mwngz, cungj mbouj doxnyienh, lumj baenz aen baenz aen caw nei gyaundeidei raixcaix; maksigloux youq henz

dinghdingh yawj dwk, mbe aen bak cungj dwg "heujnyawh" de, riu lo..... Ndaw doenghnaz, gohaeux henjrdwrd cug lo, riengz rumz hwnjroengz diuqfoux. Souhgozgi youq ndaw naz buet bae buet dauq. Gwnz bo megmax yaengx bogfeiz nding'yanyan, angqfaengz ciengq go demsou. Gyoengqvunz byaij youq laj ndithaemh, gwnz naj cungj dwg riunyumj angqyangz.

Danghnaez mwngz seizdoeng daeujdaengz gwnz loh iq lajmbanj, mwngz ndaej yawjraen lingh cungj gingjsaek. Seizdoeng lajmbanj, aen mbwn yienhndaej baenzhaenx sang, baenzhaenx seuq. Mbawfaex cungj loeng lo, gofaex ndoqndatndat ndwn youq ndaw rumz nit, nit ndaej saenzdedded. Gyoengq roeg iq ndeu

cici caca hemq dwk, lumjdwg naeuz: "Seizdoeng daeuj lo, seizdoeng daeuj lo." Geij mbawfaex henj youq ndaw ruuz diuqfoux, gwnz loh iq bu hwnj caengz mbaw loeng nanwt ndeu, caij youq gwnzde, unqnemnem, lumj bu hwnj caengz deihdamj nei. Danghnaez bungq hwnj doek nae, gingjsaek lajmbanj engq gyaundeidei lo. Goengqbya, doenghnaz, dingj ranz, cungj goemq hwnj caengz nae nanwtndeu, aen mbanj caemdingh de bienqbaenz aen biengz hausagsag ndeu. Goliux mbaw de loeng ndaej ndoqndatndat haenx, nga de venj hwnj diuz lienhngaenz yungzyeb ronghsag, gocoengz caeuq gobek daengx bi cungj dwg heusau haenx, cix venj hwnj giuznae mboengmbwt naekgywd. Raq rumz ndeu ci daeuj, ngafaex yaengyaeng bidoengh, diuz lienhngaenz caeuq giuznae gyaundeidei haenx loeng roengzbyoegbyoeg, mbanae lumj mbanyawh nei riengz rumz mbinfifi. Baenz gyoengq baenz bang lwgnyez youq ndaw dieгнаe doi vunz nae, hoenx ciengqnae, gij singhemq angqyangz de, saenq ndaej nae gwnz faex cungj loeng roengzdaeuj lo.

Cingj mwngz daeuj gwnz loh iq lajmbanj byaijbyaij, youq gizde mwngz ndaej yawjraen doenghnaz demsou, ndaej dingqny raemx laecoco, ndaej mbup daengz feihmak homfwd, ndaej ngonzyawj daengz gingjsaek seizdoeng gyaundeidei.

(Swconh Swngj Yajanh Si Yujcwngz Gih Daihroek Siujyoz seiq (I) ban Liuz Yi)

Daxboh Byaij Loh Daeuj Ciep Gou

爸爸步行来接我

Mwh yaek cuengqhag, doek fwn hung lo. Gou, Cuh Yijgez, Vangz Ginh doxcaez buet bae coh bakdou hagdangz, ndwn youq laj yiemhranz, caj vunz ndaw ranz daeuj ciep.

Daxboh Cuh Yijgez caeux couh hai ci gvaqdaej lo. Cuh Yijgez buet bae coh gyaqci ranz de, sugsed hai douci, riengjret ndonj hauej ndaw ci bae. Fwn rwed mbouj daengz de lo. De hai cuengci, vadfwngz coh dou, riengz boh de hai ci baefwtfwt lo.

Daxboh Vangz Ginh hix hai aen cisamloek dienhdough daeuj ciep de. Daxboh Vangz Ginh cienq gyauejci le, Vangz Ginh daiz ga hwnj ci, couh hauej ndaw ci naengh ndei lo. Fwn hix rwed mbouj daengz de lo. De vadfwngz coh gou, hix caeuq daxboh de hai ci bae lo.

Gvaq haemq nanz seizgan, daxboh gou cij ganj daengz. De gang aen liengj byaij coh gou. Gou vaiqdangq byaij hwnjbae, lingzlaeux ndonj hauej laj liengj daxboh bae. Fwn doek gig hung. Youq laj liengj daxboh, gou lumj duz roeg angqfaengz ndeu, mbouj dingz gangj gij saeh mizyinx ngoenzneix

youq ndaw ban fatseng haenx.

Daxboh dwg byaij loh daeuj ciep gou, vanzlij gig ceiz. Hoeng gou mbouj ienq daxboh, hix mbouj ienq daxboh mbouj lumj daxboh Vangz Ginh yienghaenx hai cisamloek dienhdough daeuj ciep gou, engq mbouj ienq daxboh mbouj lumj daxboh Cuh Yijgez yienghaenx hai siujci daeuj ciep gou. Ranz gou mbouj miz siujci, hix mbouj miz cisamloek dienhdough, hoeng gou mbouj roxnyinh gou beij mbouj hwnj bouxwnq.

Geij bi gonq, gou ienq gvaq daxboh mbouj miz bonjsaeh, mbouj lumj ranz bouxwnq nei hawj gou gvaq gwndaen fouqmiz. Doeklaeng, gou ciemhciemh majhung lo, rox daxboh doenghbi neix mbouj yungzheih. De buekmingh guhhong cij ndaej hawj gou gvaq gwndaen ngoenzneix, gou gig rimhoz. Gou mboujdanh mbouj ienq de, lij gyo'mbaiq de ne.

Mwngz yawj, laj aen liengj daxboh, caeuq gyoengq doengzhag ityiengh, di ndeu hix mbouj deng fwn rwed daengz.

(Anhveih Swngj Suzcouh Si Laujhucuh Siujyoz roek nienzgaep Vangz Dungzyau)

